

կը բռնանայ որ մահմետական կրօնը ընդունի՝ Խանուճ չընդունիր, մայրը շէյխերու կը դիմէ, որք ատեան կենթարկեն, կը բռնանան. նա խիստ պատասխաններ կտայ, զիշեր մի կը չարչարեն, և յօշոտելով զազանաց առջև կը ձգեն, ուրիշ զիշեր մի հայեր Խանուճի նշխարներն կը հաւաքեն, քանի անգամ նորա նշխարաց վերայ լոյս իջած տեսնելէ յետոյ, կամփոփեն զերեզմանատան մէկ անկիւնն, որպէս ասացի:

Ամեն գերեզմանատուն մտնող երբ կանցնի աղբիւրի մօտէն առաջին անգամ Խանուճի փոքրիկ քարակոյտին կը պատահի, եթէ իզական սեռիցն է «Աստուած օղորմի» մի պիտի ասէ ու անցնի:

Կոյս Խանուճի վերայ ԲաղմաՎէպի «1859 թ. Ե. 70» ի մէջ մի ընդարձակ տաղ տեսած եմ «Տաղ ի վկայուհի Ս. Խանուճ նահատակ ի Թոփրագ-գալէ» վերնադրով:

Վարժարանք.— Ալաշկերտի դաշտի մէջ երկու արական մէկ իզական վարժարան կայ միայն, որ բացած է Հայոց միացեալ ընկերութիւնը:

Իզական սեռի վարժարանն ևս Հ. Միաց. ընկ. հսկողութեան ներքե է, ծախքը Աղգանուէր Հայուհեաց ընկերութեան կողմէ կը վճարուի. ուր կը կարգան 50-ի չափ աշակերտուհիք:

Արականաց ուսումնարանը մին Թոփրագ-գալէի, միւսն ևս Խաստուր զիւղի մէջ են. որոց ծախքը մասամբ մի կը հոգացուի ընկերութեան արկղէն, մասամբ մի ևս վերջին պատերազմին յանուն Ալաշկերտի գաղթականութեան հաւաքուած զրամին աւելցածին տոկոսովն, որ Գէորգ Գ. Ս. կաթողիկոսն այդ յաւելուած 17,000 ըլլալին ձգած էր Ռուսաց բանդը, և